

集部

欽定四庫全書 其前本正卷三

詳校官右中允臣薩 敏

主事街臣徐以坤覆勘 校對官編修臣王汝嘉 總校官庶吉士臣朱

腾绿监生臣表懷璞 鈴 (1.10) LILE ルル 鑑網目則太 前世日 **文雅正** 以警懼之尚不知變而傷 君而欲止其亂也自 敗而天通先出災害以 事以觀天人相與 郎蔡世遠編 董仲舒

金好四月全書 而大有 矣殭勉學問則聞見将而 幽 于治之路也仁義禮樂皆其具也故聖王已沒而子孫 大亡道之世者天盡欲扶持而全安之事在殭勉而已 安存而惡危亡然而政 偽非道亡也幽為不繇也至於宣王思昔先王之德 而所縣者非其道是以政日以仆滅也夫周道衰於 久安寧數百歲此皆禮樂教化之功也夫人君莫不 功此皆可使還至而立有效者也道者所縣適 亂國危者甚聚所任者非 知益明强勉行道則德日起

人民の野山田 與滞補與明文武之功業周道聚然復興上天祐之為 為德陰為刑刑主殺而德主生是故陽常居大夏而以 生賢佐後世稱誦至今不絕此夙夜不解行善之所致 王者欲有所為宜求其端于天天道之大者在陰陽陽 民仁壽禁約行暴則民鄙天有治亂之所生故不齊也 天之令也性者生之質也情者人之欲也竟舜行德則 生育養長為事陰常居大冬而積于空虛不用之處以 也故治亂廢與在于已非天降命不可反也臣聞命者 古文推正

莫不畢至而王道終矣今陛下貴為天子富有四海行 欲德教之被四海難矣為人君者正心以正朝廷正朝 教而不任刑也今廢先王德教之官獨任執法之吏而 髙而恩學知明而意美愛民而好士可謂誼主矣然而 陽調而風雨時羣生和而萬民殖諸福之物可致之祥 正遠近莫敢不壹于正而亡有邪氣奸其問者是以陰 廷以正百官正百官以正萬民正萬民以正四方四方 此見天之任德不任刑也王者承天意以從事故任德 たいりしいます 滅先聖之道而顧為自恣苟簡之治故立為天子十有 設库序以化于邑漸民以仁摩民以誼節民以禮故其 天地未應而美祥莫至者凡以教化不立而萬民不正 也夫萬民之從利如水之走下不以教化限防之不能 亂世也掃除其迹而悉去之復修教化而崇起之教化 已明習俗已威子孫循之行五六百歲尚未敗也至秦 刑罰甚輕而禁不犯者教化行而習俗美也聖王之繼 止也古之王者莫不以教化為大務立大學以教於國 古文雅正

金分四月百十 譬之琴瑟不調甚者以解而更張之迺可鼓也為政而 囂頑雖欲善治之亡可奈何法出而姦生令下而詐起 欲善治而至今不可善治者失之于當更化而不更化 不行甚者以變而更化之過可理也漢得天下以來常 四年而亡然其遺毒餘烈至今未滅使習俗蔣惡人民 沢其他乎董子當日仲尼之門五尺童子羞稱五霸 行王道與教化武得深切著明管敬仲對之無色矣

いくろうしましたます 節不足稱皆于道原上未徹也 骨又不及買劉所以有匡張孔馬合傳之機故知氣 馬買劉議事非不明快痛切然本領皆不及董匡衝 漢世醇儒首推董子諸葛公諸葛公用而董子不盡 名為儒而所言者多經書之緒餘儒者之皮貌其氣 用諸葛公之才或過于董子至學術之深醇董子優 惟其有此一副本領故宜其視管子輩若無有也〇 賢良第二 古大雅正 董仲舒

金分四月百十 飾詐趨利無恥是以刑者甚眾死者相望而姦不息俗 飾虛解而不顧實外有事君之禮內有背上之心造偽 察實為善者不以免而犯惡者未必刑也是以百官皆 **固空虚四十餘年此教化之漸而仁義之流也至秦則** 武王行大誼平殘賊周公作禮樂以文之至於成康图 以養其德刑罰以威其惡故民曉于禮館而恥犯其上 臣聞聖王之治天下也少則習之學長則材諸位爵禄 不然師申韓之說憎帝王之道以貪很為俗誅名而不 卷三

KEDE KILIO 陛下夙寤晨興務以求賢亦堯舜之用心也而未云獲 姓者殆王心未加馬曾子曰尊其所聞則高明矣行其 者士素不厲也夫不素養士而欲求賢譬猶不琢玉而 化使然也今陛下并有天下莫不率服而功不加于百 求大采也故養士莫大乎太學太學者賢士之所関也 陛下因用所聞設誠于內而致行之則三王何異哉 知則光大矣高明光大不在于他在乎加之意而已 化之本原也願與太學置明師以養天下之士數考 古文雅正

金分四月百十 郎中中郎吏二干石子弟選郎吏又以富訾未必賢也 錯繆氛氣充塞羣生寡遂黎民未濟也夫長吏多出于 為市貧窮孤弱完苦失職甚不稱陛下之意是以陰陽 吏既亡教訓于下或不承用主上之法暴虐百姓與姦 使承流而宣化也師師不賢則主德不宣恩澤不流今 問以盡其材則英俊宜可得矣郡守縣令民之師帥所 小材雖累日不離於小官賢材雖未久不害為輔佐是 且古所謂功者以任官稱職為差非謂積日累久也故

次定四車全書 處矣 賞所貢不肖者有罰夫如是諸侯吏二千石盡心於求 成貢各二人以給宿衛且以觀大臣之能所貢賢者有 賢天下之士可得而官使也母以日月為功實試賢能 其真也臣愚以為使諸列侯都守各擇其吏民之賢者 取貴積久以致官是以應恥買礼賢不肖渾殺未得 上量材而授官錄德而定位則魚恥殊路賢不肖 古文雅正

有司竭力盡知務治其業而以赴功令則不然累日

遂告以設誠致行內聖外王本領也又云與太學置 明師以養天下之士令列侯郡守歲貢二人是何等 規模惜乎不究其用也〇武帝置博士弟子員五十 中但語過態直篇中殆王心未加馬一語何等深擊 汉長孺對武帝云陛下內多欲而外施仁義非不切 賢良策三 雖公孫弘等上疏成之然實發自董子

臣聞天者牵物之祖故福覆包玉而無所殊聖人法天

董仲舒

父氏の野白雪 與天地流通而往來相應此亦言天之一端也天令之 謂命命非聖人不行質樸之謂性性非教化不成人 所機災害之所加也春秋之所惡怪異之所施也書那 揆之天道下質諸人情參之于古考之于今故春秋之 者天之所以殺也刑者君之所以罰也孔子作春秋 而立道亦溥愛而亡私春者天之所以生也仁者君之 家之過無災異之變以此見人之所為其美惡之極西 以愛也夏者天之所以長也德者君之所以養也霜 古文雅正

金万世屋 貴于物然後知仁誼知仁誼然後重禮節重禮節然後 會 安處善安處善然後樂循理樂循理然後謂之君子臣 然與于羣生入有父子兄弟之親出有君臣上下之誼 序以防欲也修此三者而大本舉矣人受命于天固超 之謂情情非度削不節是故王者上謹于承天意以順 命也下務明教化民以成性也正法度之宜別上下之 相爱故孔子曰天地之性人為貴明於天性 相遇有者老長幼之施聚然有支以相接雕 卷三 知自 然有

たこうらんこう 明 道道者萬世亡弊弊者道之失也先王之道以有偏而 禁約之可為悼惟者也夫樂而不亂復而不敢者謂之 盖有漸以致之矣言出于已不可塞也行發于月不可 微致顯是以竟發于諸侯舜與辱深山非一日而顯也 在身猶火銷膏而人不見也此唐虞之所以得令名而 大慎微者著積善在身猶長日加益而人不知也積惡 掩也言行治之大者君子之所以動天地也故盡小者 又聞之衆少成多積小致鉅故聖人莫不以掩致明以 古文雅正

金分四四百言 之變然也故王者有改制之名亡變道之實夏上忠殷 矣三王之道所祖不同非其相反將以禄溢扶衰所遭 夏之忠者夫古之天下亦令之天下共是天下以古準 世者其道變令漢繼大亂之後若宜少損周之丈致用 天不變道亦不變是以禹繼舜舜繼竟三聖相受而守 上敬問上文者所繼之抹當用此也道之大原出于天 不起之處故政有眠而不行舉其偏者以補其弊而已 一道亡據獎之政也縣是觀之繼治世者其道同繼

人已日中人生 争利于下民安能如之哉民日削月殷寝以大窮富者 者不食于力不動于末與天同意者也夫已受大又取 其翼者兩其足是所受大者不得取小也古之所予禄 跪于天之理與夫天亦有所分予予之齒者去其角傳 奢侈美溢貧者窮急愁苦民不樂生安能避罪此刑罰 龍而載高位家温而食厚禄因乗富貴之資力以與民 小天不能足而況人乎此民之所以置置苦不足也身 何不相逮之遠也意者有所失于古之道與有所 古文雅正

金りとんと言 變下不知所守臣愚以為諸不在六藝之科孔子之術 異論百家殊方指意不同是以上亡以持一統法制數 秋大一統者天地之常經古今之通誼也今師異道 之位當君子之行則舍公儀休之相魯亡可為者矣春 皇皇求仁義常恐不能化民者大夫之意也若居君子 為庶人行哉夫皇皇求財利常恐乏匱者庶人之意也 視效遠方之所四面而內望也豈可以居賢人之位而 之所以蕃而姦邪不可勝者也天子大夫者下民之所

炎之日草 至 者皆絕其道勿使並進邪辟之該減息然後統紀可 而法度可明民知所從矣 霧盡息蓋學術一則治術自一愚以為定漢家四百 猶知自的末段推尊孔子以一 樂循理大儒之言原原本本切實可循所謂以不容 首言法天盡性而即繼之回知仁義重禮節安處善 紳貪利一節全是發人魚恥之心干載下眼吏見之 已之心行不容已之事也遂因此而極言之中戒薦 古文雅正 一學術如太陽經天陰

賛曰劉向稱董仲舒有王佐之材雖伊吕亡以加筦晏 付う 年天下之基非過溢也 董仲舒傅賛 卷三 前漢書

遭漢承秦滅學之後六經離析下惟發憤潛心大業令 此 之屬伯者之佐殆不及也至向子散以為伊吕乃聖人 一親王者不得則不與故顏淵死孔子曰噫天喪余唯 人為能當之自宰我子贛子游子夏不與馬仲舒

後學者有所統

為產儒首然考其師友淵原所

漸

父このもとまっ 自古書契之作而有史官其載籍博矣至孔氏纂之上 而左丘明論輯其本事以為之傳又纂異同為國語又 黄帝顓頊之事未可明也及孔子因魯史記而作春秋 繼唐竟下訖秦繆唐虞以前雖有遺文其語不經故言 龔為論君子也以散之言為然 未及乎游夏而曰筦晏弗及伊吕不加過矣至向曾孫 通篇不下斷語只以援引作斷風格既高神韻亦絶 司馬選傅賛 古文雅正 前漢書

戰國策述楚漢春秋接其後事記于天漢其言秦漢詳 後六經序游俠則退處士而進姦雄述貨殖則崇執利 矣至于采經摭傳分散數家之事甚多疏畧或有抵梧 金分丘屋 白雪 斯以勤矣又其是非頗繆于聖人論大道則先黃老而 亦其涉獵者廣博贯穿經傳馳騁古令上下數干載問 秦定天下有楚漢春秋故司馬遷據左氏國語采世本 所出春秋之後七國並争秦萬諸侯有戰國策漢與伐 有世本錄黃帝以來至春秋時帝王公侯卿大夫祖世

たいのはない 博物洽聞而不能以知自全既陷極刑幽而發憤書亦 信矣迹其所以自傷悼小雅巷伯之倫夫唯大雅既明 遷有良史之材服其善序事理辨而不華質而不便其 且哲能保其身難矣哉 文直其事核不虚美不隱惡故謂之實錄嗚呼以遷之 而羞賤貧此其所般也然自劉向揚雄博極羣書皆稱 意在勸懲斷制極不苟論文筆有疎密之分子長較 子長作論賛不尚在斷制多以筆墨勝孟堅作史則 古文雅正

金分四四百書 堅卒亦不免何耶但孟堅之于實氏第憲出征時請 髙論見識孟堅更勝此篇末段議子長不能保身孟

使典文章之事非夙有阿附如谷永杜欽之於王氏

朱雲論張禹

成帝時丞相故安昌侯張禹以帝師位特進甚尊重雲

亡以益民皆尸位素餐孔子所謂鄙夫不可與事君茍

上書求見公卿在前雲曰今朝廷大臣上不能匡主下

前漢書

500 DE 11.15 機機折雲呼回臣得下從龍逢比干遊于地下足矣未 冠解印綬叩頭殿下曰此臣素著狂直于世使其言是 知聖朝何如耳御史遂將雲去於是左將軍辛慶忌免 不可誅其言非固當容之臣敢以死争慶思叩頭流血 臣居下訕上廷辱師傅罪死不赦御史將雲下雲攀殿 患失之亡所不至者也臣顧賜尚方斬馬劍斷佞臣 上意解然後得已及後當治檻上曰勿易因而輯之以 人以属其餘上問誰也對曰安昌侯張禹上大怒曰小 古文雅正

旌直臣 激特其突出奇拳事太爽快履尾批鱗凛凛乎帝猶 同出武臣偉哉 慶尼卒以張之慶尼之政朱雲大類張萬福救陽城 思之救慶思誠丈夫哉朱子作綱目書曰左将軍辛 旌其直以此知成帝之昏猶未甚也然亦賴有辛慶 立武后皆所謂一言喪那者也雲之請尚方豈為過 張禹附會經義使成帝不疑王氏與李勣阿附髙宗

多分四月至書

學者自遠方至徵為博士太中大夫地節三年立皇太 為太傅廣兄子受字公子亦以賢良舉為太子家令受 疏廣字仲翁東海蘭陵人也少好學明春秋家居教授 酒宴奉觞上壽辟禮附雅上甚雖說頃之拜受為少傅 子選內古為大傅廣為少傅數月古遷御史大夫廣徙 好禮恭謹敏而有辟宣帝幸太子宫受迎謁應對及置 疏廣傳 前漢書

次定四年全書 图

太子外祖父特進平恩侯許伯以為太子少白使其弟

古文雅正

受回吾聞知足不辱知止不殆功遂身退天之道也令 冠 廷以為祭在位五歲皇太子年十二通論語孝經廣謂 子每朝因進見太傅在前少傅在後父子並為師傅朝 有太傅少傅官屬已備令獲使舜馥太子家視随非所 君師友以于天下英俊不宜獨親外家許氏且太子自 廣太子德于天下也上善其言以語丞相魏相相免 謝曰此非臣等所能及廣縣是見器重數受賞賜太 郎將舜監護太子家上以問母母對曰太子國儲 交足四事全書 · 哉二大夫或歎息為之下泣廣既歸鄉里日令家共具 設酒食請族人故信賓客與相好樂數問其家金餘 都門外送者車數百兩解決而去及道路觀者皆回賢 疏乞骸骨上以其并為老皆許之加賜黄金二十斤皇 從大人議即日父子俱移病滿三月賜告廣遂稱篤 太子贈以五十斤公卿大夫故人邑子設祖道供帳東 子相隨出関歸老故鄉以壽命終不亦善乎受叩頭 仕官至二干石宦成名立如此不去懼有後悔豈如父 古文雅正

金ラビ 教化子孫不欲益其過而生怨又此金者里主所以惠 愚而多財則益其過且夫富者聚人之怨也吾既亡以 時為廣言此計廣曰我豈老許不念子孫哉顧自有舊 盆之以為贏餘但教子孫怠惰耳賢而多財則損其志 食發且盡宜從丈人所勸說君買田宅老人即以問暇 廣所愛信者曰子孫幾及君時頗立產業基阯今日飲 有幾所趣賣以共具居歲餘廣子孫竊謂其民弟老 田廬令子孫勤力其中足以共衣食與凡人齊今復增

父已日中在日 養老臣也故樂與鄉黨宗族共饗其賜以盡吾餘日不 亦可乎於是族人說服皆以壽終 徒是章可之末耶然其知止足之分加人一等歸家 用賢納諫之要使即聖賢之言切已而體驗之乎抑 各全無潔已型家之念者下一針砭 不買田宅又可為俗下為紳住宦而歸便止求田問 一疏所以教太子者未知果能迪以仁孝誠敬之本 古文雅正 土 吉

欺也聖主獨行于深官得則天下稱誦之失則天下 言治左右不正難以化遠民者弱而不可勝愚而不可 之基也臣聞聖王宣德流化以自近始朝廷不備難以 時言聽諫從然未有建萬世之長策舉明主于三代之 隆者也其務在于期會簿書斷獄聽訟而已此非太平 恩未可謂本務也欲治之主不世出公卿幸得遭遇其 與太平詔書每下民欣然若更生臣伏而思之可謂至 陛下躬聖質總萬方帝王圖籍日陳于前惟思世務将

取 寧此其本也春秋所以大一統者六合同風九州共貴 言之行發于近以見干遠故謹選左右審擇所使左右 人こうしています 也獨設刑法以守之其欲治者不知所縣以意穿鑿谷 也令俗更所以牧民者非有禮義科指可世世通行者 所以正身也所使所以宣德也詩云濟濟多士文王以 極質樸日銷恩愛溪簿孔子曰安上治民莫善於禮非 不同風干里不同俗戶異政人殊服詐偽的生刑罰亡 切權論自在故一變之後不可復修也是以百里 古文雅正

金分四左右電 禮明王制歐一世之民跡之仁壽之城則俗何以不若 俗奏唯陛下財擇馬 成原壽何以不若髙宗竊見當世趨務不合于道者謹 臣願陛下承天心發大業與公卿大臣延及儒生述舊 空言也王者未制禮之時引先王禮宜于今者而用之 與古遂謝病歸宣帝之治未統者以此 吉正直有學術知本務此疏董賈而後不多見也使 其得用過匡章遠甚矣惜宣帝以其言迂濶不甚寵 卷三

文記事在告 · 承天地安海內甚難令世俗謂不智者為能謂智者為 親小童及幸臣董賢等在公門省户下陛下欲與此共 議通古今喟然動眾心憂國如飢渴者臣未見也敦外 竊見孝成皇帝時外親持權人人牵引所私以充塞朝 刷于前乎朝臣亡有大儒骨鯁白首者父題壘之士論 且十彗星四起危亡之徵陛下所親見也今奈何及覆 廷妨賢人路濁亂天下奢泰亡度窮困百姓是以日蝕 上哀帝書 古文雅正 宣

自 尚可又有七死酷吏殿殺一死也治獄深刻二死也冤 **蠶食亡厭四亡也苛吏縣役失農桑時五亡也部落鼓** 賦 凡民有七亡陰陽不和水旱為災一亡也縣官重責更 鳴男女遮逆六亡也盜賊刼畧取民財物七亡也七亡 度不足民流亡去城郭盗賊並起吏為残賊歲增于前 人尚服今賞人反惑請寄為姦草小日進國家空虚用 不能昔竟放四罪而天下服今除一更而衆皆感古刑 我租二七也貪吏並公受取不已三七也豪强大姓

交足可具公局 欲望國安誠難民有七死而無一生欲望刑措誠難此 惡飢餓六死也時氣疾疫七死也民有七亡而無一得 益毫毛豈徒欲使臣美食大官重高門之地哉天下 重禄豈有肯加惻隠于細民助陛下流教化者邪志但 非公卿守相貪残成化之所致邪羣臣幸得居尊官食 點尸禄為智謂如臣宣等為愚陛下擢臣嚴穴誠真有 在營私家稱賓客為姦利而已以苟容曲從為賢以供 古大雅正

陷亡辜三死也盜賊横發四死也怨儺相残五死也歲

非天意也及汝昌侯傅商亡功而封夫官爵非陛下之 将安所歸命乎奈何獨私養外親與幸臣董賢多賞賜 衣又穿空父子夫婦不能相保誠可為酸鼻陛下不放 以大萬數使奴從賓客漿酒霍內蒼頭廬兒皆用致富 牧養元元視之當如一合尸鳩之詩令貧民菜食不厭 皇天之天下也陛下上為皇天子下為黎庶父母為天

官爵過天下之官爵也陛下取非其官官非其人而望

天說民服豈不難哉方陽侯孫寵宜陵侯息夫躬辩足

次定四年全等 當用天下之心為心不得自專快意而已也上之皇天見 陛下尚能容亡功德者甚衆曾不能忍武等邪治天下者 敢為姦可大委任也陛下前以小不忍退武等汝内失望 教化圖安危襲勝為司直郡國皆慎選舉三輔委輸官不 左将軍彭宣經皆更博士位皆歷三公智謀威信可與建 司馬傅喜使領外親故大司空何武師丹故丞相孔光故 退及外親幼童未通經行者皆宜令休就師傳急徵故大 以移衆強可用獨立姦人之雄惑世尤劇者也宜以時罷 古人雅正

盡死節而已疏上帝以宣名儒優容之後宣又上 原聖人之至意深思天地之戒臣宣的鈍于解不勝惨惨 廣田宅厚妻子不與惡人結雖怨以安身那誠迫大義官 臣天下猶不聽也臣雖愚戆獨不知多受禄賜美食太官 譴下之黎庶怨恨次有諫争之臣陛下尚欲自簿而厚惡! 以諫争為職不敢不竭愚惟陛下少留神明覽五經之文 比買長沙又甚矣文帝時天下昇平長沙為防微遠禍 目擊時艱嘔心而出雖無痛哭流涕字面然情迫詞切

一人正切り上から 相位服儒衣冠傳先王語其醖籍可也然皆持禄保位被 賛曰自孝武與學公孫弘以儒相其後蔡義章賢元成匡 阿諛之識彼以古人之迹見繩烏能勝其任乎 衝張禹程方進孔光平當馬官及當子晏咸以儒宗居字 非不歸然儒也體察不深操持不決遂依阿以至於此 于激烈非對君之體然在樂受盡言者得之循琅环也 之計哀帝有亡國之兆不得不如此七七七死等語過 匡衡張禹孔光馬宫傳賛 古文雅正 前漢書

從夫之義也欲立官置吏車服與太皇太后並非所以明 也今定尚共皇太后共皇后以定尚共為號者母從子妻 聖王制禮取法于天地尊卑者所以正天地之位不可亂 季多尊漢儒而薄宋儒不知漢儒重在講解宋儒重在 然其派别大都如此戴聖馬融猶被指謫況其他乎 操履則程朱之澤較宏也匡張孔馬雖不得與董到比 被孟堅敷語詣盡嗚呼學儒者可不深自警懼乎○明 **陳京師立共皇朝疏依通鑑本** 師 丹

人正日年上世ョ 毀思義已備陛下既繼體先帝持重大宗承天地宗廟社 父為士子為天子祭以天子其尸服以士服子無爵父之 尊無二上之義也定尚共皇號論已前定義不得復改禮 師使臣下祭之是無主也又親盡當毀空去一國太祖不 稷之祀義不可復奉定陶共皇祭入其廟令欲立廟於京 故為共王立後奉永祭祀令共王長為一國太祖萬世不 降其父母期明尊本祖而重正統也孝成皇帝聖恩深遠 義尊父母也為人後者為之子故為所後服斬衰三年而 古文雅正 辛

隨之犯而就無主當毀不正之禮非所以尊厚共皇也 金りでかんごって 安徒四親廟於春陵致堂胡氏是之余謂光武中典與 光武用張紙朱浮議祠元帝以上於太廟成帝以下長 雖以祖母之勢抑哀帝然所稱者不過曰帝太太后耳 人尚朴也然欲齊四親於太廟置武宣等不祀於義不 立朝京師尚不可沉嚴萬主議乃公然奉肅宗奉與獻 他帝不同尊四親為帝無所不可光武不行非簿也古 主于太廟子總之古人尚朴重名分抑私情故傅太后

世則廢道違俗則危好此古人所以難受爵位者也 當王养之作外內成服董賢之愛疑于親戚武嘉區區以 賛曰何武之舉王嘉之争師丹之議考其禍福通效于後 一普障江河用沒其身丹與董宏更受賞罰京哉故曰依 禮議當主楊氏父子而継張桂此定論也 不難受爵位多陷于匡張孔馬之畿者可不謂大哀乎 可故另立廟宜也至宋濮議當主温公而紅歐陽明大 何武王嘉師丹傳賛 前漢書

次正马事公上

古文雅正

<u>-</u>

金りじんとこ 既仕而受恩深重則有鞠躬盡瘁死而後已之法在過 〇未仕而遭亂世則不宜出孔子所謂無道則隱是也 卷三

同劉謝以去雖有保全善類之解說君子羞之況其他子 位天下未有失名節之人而能為國家者也李東陽不 激以取名壞事固非忠誠謀國之心若觀望游移以居 記

儒林列傳序

太史公曰余讀功令至于廣屬學官之路未當不廢書

而數也曰嗟乎夫周室東而開睢作幽属微而禮樂壞

魯然後樂正雅頌各得其所世以混濁莫能用是以仲 論次詩書修起禮樂適齊聞韶三月不知肉味自衛返 諸侯恣行政由弱國改孔子閔王路廢而邪道與於是 狩獲麟曰吾道窮矣故因史記作春秋以當王法其解 尼于七十餘君無所遇曰苟有用我者期月而已矣西 不見故子路居衛子張居陳澹臺子羽居楚子夏居西 而指博後世學者多錄馬自孔子卒後七十子之徒 游諸侯大者為師傅卿相小者友教士大夫或隱而

欠己日月 八十二

古文雅正

章四.

受業於子夏之倫為王者師是時獨魏文侯好學後陵 夫子之業而潤色之以學顯于當世及至秦之季世焚 詩書坑術士六藝從此缺馬陳涉之王也而魯諸儒持 之間學者獨不廢也于威宣之際孟子的卿之列咸遵 遲以至于始皇天下並争于戰國儒術既継馬然齊鲁 俱死陳涉起匹夫驅五合適戍旬月以王楚不滿半歲 孔子之禮器往歸陳王于是孔甲為陳涉博士卒與涉 河子貢終于齊如田子方段干木吳起禽滑釐之屬皆

樂絃歌之音不絕豈非聖人之遺化好禮樂之國哉故 竟滅亡其事至微淺然而縉紳先生之徒負孔子禮器 父の日本語 知所以裁之夫齊魯之間于文學自古以來其天性也 孔子在陳曰歸與歸與吾黨之小子狂簡斐然成章不 往委順為臣者何也以秦焚其業積怨而發憤于陳王 改漢與然後諸儒始得修其經藝講習大射鄉飲之禮 也及高皇帝誅項籍舉兵圍為魯中諸儒尚講誦習禮 叔孫通作漢禮儀因為太常諸生弟子共定者咸為選 古文雅正 Ī

金分にんる言 伏生言禮自魯高堂生言易自留川田生言春秋于齊 中培公于齊則較固生于無則韓太傅言尚書自濟南 儒者而實太后又好黃老之術故諸博士具官待問未 首于是喟然歎與于學然尚有干戈平定四海亦未眼 之于是招方正賢良文學之士自是之後言詩于魯則 文時頗徵用然孝文帝本好刑名之言及至孝景不任 有進者及今上即位趙綰王臧之屬明儒學而上亦鄉 追庠序之事也孝惠吕后時公卿皆武力有功之臣孝

學士雅然鄉風矣 鲁自胡母生于趙自董仲舒及實太后崩武安侯田蚡 孔子曰尊之以政齊之以刑民免而無恥尊之以德齊 公孫弘以春秋白衣為天子三公封以平津侯天下之 為丞相組黃老刑名百家之言延文學儒者數百人而 讀此頗知周漢間學術與廢之迹序次頓挫風神為 絕逸氣過飛 酷吏列傳序

炎足四車全書 一

古大雅正

使無訟乎下士聞道大笑之非虚言也漢與破觚而為 愉快乎言道德者溺其職矣故曰聽訟吾猶人也以也 言也法令者治之具而非制治清濁之源也昔天下之 图 是之時吏治若救火揚沸非武健嚴酷惡能勝其任而 網嘗密矣然姦偽的起其極也上下相遁至于不振當 失德是以無德法令滋章盜賊多有太史公曰信哉是 以禮有恥且格老氏稱上德不德是以有德下德 断雕而為朴網漏於吞舟之魚而吏治烝烝不至於

於足口車全書 人 養民五世天下殷富財力有餘士馬强威故能睹犀布 孝武之世圖制匈奴患其無從西國結黨南羌過表河 曲 姦黎民义安由是觀之在彼不在此 氏單于失援由是遠通而幕南無王庭遭值文景玄默 列四郡開玉門通西域以斷匈奴右臂隔絕南羌月 太史公所傳酷吏武帝時最多序却說秦時用酷者 而以漢與接之寓意深矣 西域傅赘 占人推正 前漢書 ☶

馬浦 瑇瑁 天之臺與造甲乙之帳落以隨珠和壁天子負補依襲 泉師子猛犬大雀之革食于外囿殊方異物四面而 自り 于是廣開上林穿昆明池營干門萬户之宫立神 之珍盈于後官蒲梢龍文魚目汗血之馬充於黃門鉅 · 随則通大宛安息自是之後明珠文甲通俸翠 則建珠崖七郡感枸醬竹杖則 開料打越舊聞天 明 通 79

翠被馬玉儿而處其中設酒池肉林以饗四夷之客作

巴俞都盧海中碼極漫行魚龍角抵之戲以觀視之

年遂棄輪臺之地而下哀痛之詔豈非仁里之所悔哉 指之使始出衣繡杖斧斷斬于郡國然後勝之是以末 畜民力屈財用竭因之以凶年冦盗並起道路不通直 足過推酒酤完鹽鐵鑄白金造皮幣莫至車船租及六 船 追贈送萬里相奉師旅之費不可勝計至於用度不 内也書曰西戎即序禹既就而序之非上威服致其貢 南 且通西域近有龍堆遠則蔥嶺月熱頭痛縣度之院淮 杜欽揚雄之論皆以為此天地所以界別區域絕外

いていいかといれてい

古人雅正

すハ

内 奴 四戎周公之讓白维太宗之卻走馬義無之矣亦何以 遠覽古今因時之宜羈縻不絕解而未許雖大禹之序 國莎車于関之屬數遣使置質于漢願請屬都該聖 進 屬唯其小色都善車師界迫到奴尚為所拘而其大 在我無取于彼故自建武以來西域思漢威德咸樂 不、 退與漢隔絕道里又遠得之不為益棄之不為損 也西城諸國各有君長兵眾分弱無所統一 相親附匈奴能得其馬畜稱屬而不能統率與之 雖 噕 匈 磁

尚兹 AL DISTAND IS **养既不仁而有佞邪之材又桑四父歷世之權遭漢中** 稱述豈所謂在家以聞在國以聞色取仁而行進者耶 仁及其居位輔政成哀之際勤勞國家直道而行動見 王恭始起外戚折節力行以要名譽宗族稱孝師友歸 **賛西城耳而武帝侈心遠客如繪高大雅調正盖包** 孕勸戒昭然蔚宗畢竟多谷鑿痕不能學步也 王莽傅替 古文雅正 前漢書 芄

嚣 微國統三絕而太后壽考為之宗主故得肆其姦愚以 體分裂遂令天下城邑為虛丘壠發掘害徧生民辜及 毒流諸夏亂延蠻船猶未足逞其欲馬是以四海之內 位南面處非所據顛覆之勢險於禁紂而养晏然自以 成篡盜之禍推是言之亦天時非人力之致矣及其竊 朽骨自書傳所載亂臣賊子無道之人考其禍敗未有 黄虞復出也迺始恣睢奮其威詐滔天虐民窮凶極惡 然喪其樂生之心中 外順怨遠近俱發城池不守支

大巴马中 白雪 蠅聲餘分閏位聖王之驅除云爾 姦言同歸殊塗俱用滅亡皆元龍絕氣非命之運紫色 如养之甚者也昔秦燔詩書以立私議养誦六藝以文 高簡勝孟堅以鎮密營鬱勝亦其筆性然也項羽舉 子長項羽替孟堅王莽養皆干古絕調子長以陳宕 功 事無成猶或惜之其坑秦卒弑義帝酷虐甚矣若王 **养之可憎惡又數倍於項羽孟堅作養極加修節之** 古文雅正 三十

金グレムと言 古文雅正卷三 卷三

欽定四庫全書等部

主事街日徐以坤覆勘 詳校官右中允·薩 敏

校對官編修臣王汝嘉 總校官庶吉士臣朱 鈴 腾録監生日杜茂材

無為那縣所苦 てこり 言いら 定此庫全書 非心暴地屠城要在平定安集之 好屬掠御本能御吏士念自修好 禮部侍郎蔡世遠編 古文雅正 以赤眉延冬之酷元元全炭 漢光武

金段匹母全書 等有平職蜀之功然余所最喜者馬伏波也伏波英 帝王之言孟子所謂不嗜殺人者能一之也の此以 大計有關中之功冠恂有銀運之功吳漢來欽苓彭 有力馬拿最英武又有平劉永張步之功節禹首贊 中典戰功民防之捷帝有神授王郎之破耿弇父子 異代鄧禹也禹已入長安復不能制亦眉故以異代 以盆子降異不伐不殺又有戰功誠中與賢將也〇 之異至馬復邀與同戰又敗禹歸異能自破亦眉始

所奉書獻馬悉至深知厚意令益州有公孫子陽天水 兵馬精殭倉庫有蓄民無殷富外則折挫惹胡內則百 姓蒙福威德流聞虚心相望道路隔塞邑邑何已長史 制記行河西五郡大將軍事屬國都尉勞鎮守邊五郡 爽有學問恨光武不使之治國耳如平交趾即能安 過寇恂矣伏波其人豪哉 定區處耕種使數世猶守馬將軍故事此其治行當 賜實融聖書獻馬帝喜答賜聖書 漢光武 古文雅正

をこうをいう

金月四月至書 業欲三分則足連衝合從亦宜以時定天下未开吾與 知王者选典千載一會欲遂立桓文輔微國當勉卒功 郡之計王者有分土無分民自適已事而已 有限将軍方蜀漢相攻權在將軍舉足左右便有輕重! 爾絕域非相吞之國令之議者必有任置效尉作制之 以此言之欲相厚豈有量哉諸事具長史所見将軍所 當與文帝與南男王聖書恭看大帝仁厚軍撲不露 光武寬厚器露英敏之氣其足以服遠則一也文帝

といり日本とから 乃復以掌文為瑞王莽何足效乎君非吾賊臣亂子倉 圖識言公孫即宣帝也代漢者當逢髙君豈髙之身邪 挟智任衙光武寬厚長者即廢郭后一節雖為盛徳 光持以其能駕策犀雄耳 之累然比釀成日后之禍懸殊矣石勒乃尊高而並 〇曹子建高光論謂光武優於高祖此確論也高祖 文章無修飾此篇却極作意其為帝王之言則一也 與公孫述書六年 漢光武

古文雅正

思 小當早為定計可以無憂天下神器不可力爭宜留三 卒時人皆欲為君事耳何足數也君日月已逝妻子弱 意切者如宋太祖時代北漢劉釣復書曰河東土地 **屢降手書不忍破滅帝誠仁人哉〇書辭有言簡而** 益懼漢氏之不血食也太祖憐之故終鈞之世不加 心恕詞嚴筆挾風霜〇述及囂兵敗窮促時光武猶 小本不足以當中國但我家世非叛者區區守此

多片巴尼石量

外乎孔子曰吾恐季孫之憂不在顓史且北狄尚强而 無善政災變不息百姓職惶人不自保而復改逐事邊 功舍遠謀近者逸而有終故曰務廣地者荒務廣德者 黄石公記曰柔能制剛弱能制强舍近謀遠者勞而無 强有其有者安貪人有者殘殘滅之政雖成必敗令國 側對乎 兵令讀此數語誠可哀憐不然太祖何不以卧榻之 報紙官馬武的二十八年 漢光武

D. 10 101 /1.1.5

古人雅正

大冠豈非至願尚非其時不如息人 屯田警備傅聞之事恒多失實誠能舉天下之半以滅 存仁心識人體受養教元不事窮黯所以馴致建武 忘林僧之心然亦須内養既充相時而動餘凡好事 此詔宛如逆睹○晉宋南渡後並有不共之仇不得 雖以和意太后節約為心猶不能外惹禍愈烈追思 後有騖遠邀功者剔至安帝之初國虚耗而民死亡 永平之盛也此詔視輪臺之悔其曲突徙薪者數自

金月四月十二

ランフランニー 臺望元氣吹時律觀物變犀係藩輔宗室子孫眾郡奉 計百蠻貢職爲桓歲貊成來助祭單十侍子骨都便 物樂和八音詠祉福舞功徳班時令勒犀后事畢升靈 今今月吉日宗祀光武皇帝於明堂以配五帝禮備法 量力而挑兵以速其亡兵可易言哉 邊功者未有不敗悔者也南朝元嘉之業衰由于王 元謨等北伐致六州蕭條宋賈似道及二趙則又不 祀明堂的永平二年 古文雅正 漢明帝

戚戚其今天下自殊死已下謀反大逆皆赦除之百僚 寧天下封泰山建明堂立辟雅起靈臺恢弘大道被之 親執主璧恭祀天地仰惟先帝受命中與撥亂反正 皆陪位斯固聖祖功德之所致也朕以問陋奉承大業 師尹其勉修礙職順行時令敬若昊天以綏兆人 一時惟慙素性頑鄙臨事益懼故君子坦荡荡小人長 極而嗣子無成康之質犀臣無吕旦之謀題洗進爵 **此典重心復抑畏明帝治化之盛優於大帝但文**

金冠四周全書

たこう声へき 勞我心誦及采放以增數息日者問東平王處家何等 一散樂王言為善最樂其言其大副是要腹美令送列便 辭別之後獨坐不樂因就車歸伏軾而吟瞻望永懷實 也 與學校至使匈奴亦遣子入學則三代以下所未有 武明章三帝所培養而成然明帝功尤多如尊師傅 帝仁厚茶儉性質非明帝所及〇東京卽義全是光 手記東平王國傳十一年 古之雅正 漢明帝

印十九枚諸王子年五歲已上能超拜者皆令帶之 金月四月子 其時黃霧四塞不聞河雨之應又田粉實嬰龍貴横恣 凡言事者皆欲媚朕以要福耳昔王氏五侯同日俱封 傾覆之禍為世所傳故先帝防慎 舅氏不令在樞機之 樂傅家之寶 細玩此篇欲歌欲泣使孝弟之心油然而生為善最 報有司部度初元年欲封諸舅后不聽明年夏大 明德馬皇后 六旱

憂國忘家之慮知臣莫若君况親屬乎吾豈可上負先 不加謹怒但絕歲用而已與以點愧其心而猶懈怠無 如将龍倉頭衣緑磷領袖正白顧視御者不及遠矣故 素好儉前過濯龍門上見外家問起居者車如流水馬 欲身率下也以為外親見之當傷心自動但笑言太后 帝子等今有司奈何欲以馬氏比陰氏乎吾為天下母 位諸子之封裁令半楚淮陽諸國常謂我子不當與先 而身服大練食不求甘左右但著帛布無香薰之節者

火已四年八号

N.

· 古文雅 正

言受髙祖約無軍功非劉氏不侯令馬氏無功於國宣 帝之旨下虧光人之德重襲西京敗亡之禍哉 重大电点 吾反覆念之思令兩善豈徒欲獲謙謙之名而使帝受 不外施之嫌哉苦竇太后欲封王皇后之兄丞相係侯 能去其奢淫之心者鮮矣 語出肝膈干百載而下試為切已維誦數過而不 重請封諸勇報帝重請曰太后誠存謙虚奈何 明德馬皇后

.). 17....).1.. 行子之志吾但當含飴弄孫不能復關政矣 急有胸中氣不可不順也若陰陽調和邊境清靜然後 夜不安坐卧而欲先营外封違慈母之奉奉乎吾素剛 夫至孝之行安親為上令數遭變異穀價數倍受惶晝 資斯豈不足而必當得一縣乎吾計之熟矣勿有疑也 得與陰郭中與之后等非當觀富貴之家禄位重疊猶 再實之木其根光傷且人所以願封僕者欲上奉祭祀 下求温飽耳今祭祀則受四方之珍衣食則蒙御府餘 古文维正

銀定匹庫全書 縁后賢故足以舜之然專政之心不可掩也豈明德 朝夕修我一段使我長言詠歌嗟歎猶不足矣○東 文有於情則住情於則其詞兼勝令人再三及覆干 京賢后推馬鄧然鄧后臨朝內則災荒外有羌禍亦 百讀而不厭也讀至末幅與敬姜論勞逸篇吾真汝 則文德長孫皇后宋則宣仁高太后 之比哉○漢唐宋后之最賢者漢則明徳馬皇后唐 韶三公元和二年 漢章帝

とこううとう 於上使有罪不論而無過被刑甚大逆也夫以苛為祭 間較二千石各尚寬明而今富姦行貼於下貪吏枉法 之安静之吏悃临無華日計不足月計有餘如襄城令 事寧人敬奉天氣立秋如故夫俗吏矯飾外貌似是而 非殊死且勿案驗及吏人係書相告不得聽受異以息 方春生養萬物芽甲宜助萌陽以育時物其令有司罪 劉方吏人同聲謂之不煩雖未有它異斯亦殆近之矣 非於之人事則悅耳論之陰陽則傷化朕甚餍之甚苦 古文雅正

金冠 四月全世 在勉思舊令稱狀意馬 吾詔書數下冠益接道而吏不加理人或失職其咎安 以刻為明以輕為徳以重為威四者或興則下有怨心 黄中等賊相繼而起西漢成哀之世朝政壞而吏治 光武明章之世最多循吏章帝尤為長者故詔書敦 厚如此浸淫及于桓靈權奸宦寺專朝非徒根本壞 也賄賂請託公行守令俱以貪虐為事故民不聊生 **企盡蠹故人心思漢光武一舉而中與東漢桓靈之**

聞同體天王夫人坐論婦禮九獨掌教四德世婦主喪 夏殷以上后妃之制其丈略矣周禮王者立后三夫人 九嬪二十七世婦八十一女御以備內職馬后正位宫 俸厚何也無養兵故也 教三科則不受澤之家鮮矣两漢賦薄而賞賜多禄 世朝綱亡而吏治不堪言故終至于不可救吏治之 切于國計民生也如此○章帝最惠民之政人賜胎 皇后紀序 後漢書

人とり目かかり

古文推正

朝制無章齊桓有如夫人者六人 晉獻升戎女為元如 成內則閨房肅雅險謁不行也故康王晚朝關睢作 金足でたる言 終于五子作亂家嗣邁七爰建戰國風憲通薄適情任 宣后曼起姜氏請您及周室東還禮序凋缺諸侯借縱 彤管記功書過居有保阿之訓動有環珮之響進賢才 祭賓客女御序于王之燕寢頒官分務各有典司女史! 輔佐君子表窈窕而不淫其色所以能述宣陰化修 顛倒衣裳以至破國忘身不可勝數斯固輕禮殆防 巻四 諷

|帝因八月算人遣中大夫與掖庭丞及相工於洛陽鄉 とこり言とこう 費至乃披庭三千增級十四妖幸毀政之符外烟亂邦 人官人采女三等並無爵秩歲時賞賜充給而已漢法 唯皇后贵人貴人金印紫綬奉不過栗數十斛又置美 之迹前史載之詳矣及光武中與斷彫為朴六宫稱號 **帝無辨然而選約尚簡飾翫少華自武元之後世增淫** 品漢與因循其號而婦制莫釐高祖惟薄不修孝文社 先色後德者也秦并天下多自驕人官備之國爵列八 古文雅正

委成家宰簡求忠賢未有專任婦人 **徳内無出閫之言權無私溺之授可謂矯其與美向使** 金月四月百十 授恩隆好合遂忘淄霾自古雖主幼時艱王家多釁必 詳求叔喆明帝書遵先旨宫教頗修登建嬪后况先令 因設外戚之禁編著甲令改正后妃之制貼厥方來豈 中関視良家童女年十三以上二十以下姿色端麗合 不休哉雖御已有度而防閑未寫故孝章以下漸用色 相者載還後官擇視可否迺用登御所以明慎聘納 斷割重器唯秦半

とこうできたい 異而同居正號者並列于篇其以私恩追尊非當時所 所數略同一揆故考列行跡以為皇后本紀雖成敗事 雲臺之上家嬰縲絏于圓犴之下湮滅連踵傾輛繼路 其謬知患其改東京皇統屢絕權歸女主外立者四帝 而赴蹈不息燋爛為期終于陵夷大運淪七神寶詩書 太后始攝政事故穰侯權重于昭王家富于嬴國漢仍 抑明賢以專其威任重道悠利深禍速身犯霧露于 朝者六后其不定策惟帝委事父兄貪孩重以久其 古大雅正

金月四月全書 則係之此紀以精西京外戚云爾 奉者則隨它事附出親屬别事各依列傳其餘無所見 大丈夫之鼓動拔起其志致益遠矣若夫齊武王之破 步也 漢之大害外戚與宦官耳外戚之横則由母后專政 勁健氣有遊擊筆洵足追蹤漢魏非五代人所能學 始也西漢既誤東漢冊誤蔚宗原本言之整瞻中有 齊王維傳賛 後漢書

たこうま こう 詩云敬之敬之命不易哉 使信光成於敵人赦苓彭以顯義若此足以見其度矣 志髙慮遠禍發所忽嗚呼古人以蜂薑為戒葢畏此也 而痛明堂之不祀也及其發舉大謀在倉卒擾攘之中 家厚士豈游俠下客之為哉其慮將存乎配天之絕業 頗類項梁但梁烏能及伯升羽之卒無成又不必論 伯符兄不成而弟繼之但仲謀不能及光武帝耳又 以伯升之英武豁達而舉事不成天也伯升頗類孫 古文雅正

將皆庸人伍起志在財幣争用威力朝夕自快而已 更始雖都關西今山東未安亦眉青犢之屬動以萬數 多足匹庫全書 之計莫如延攬英雄務悦民心立高祖之業救萬民之 析形勢可見明公雖建藩輔之功猶恐無所成立於 有忠良明智深應遠圖欲尊主安民者也四方分崩離 也賛語道出伯升心事極為惋惜無限低 假號往往犀聚更始既未有所挫而不自聽斷 河北說光武帝 各四 鄧 徊 禹 非

大こうしたう! 為務賢以孝行為首孔子曰事親孝故也可移於君是 命以公而慮天下不足定也 惟明詔憂勞百姓垂思選舉務得其人夫國以簡賢 將最後與膠東固始三人獨黎朝議隱然柱石老臣 定大計者禹有大臣之度不比耿弇吳漢等徒為戰 此篇當與韓信初對萬祖孔明初對先主同看皆首 貢舉議職益解而吏事沒疏各在州郡下朝臣 貢舉議時陳事者多言郡國貢舉率非功次故 上彪 言因 古文雅正 韋 十四 議守

近厚銀鍊之吏持心近薄三代之所以直道而行者在 金月四月五十 其要歸在於選二千石二千石賢則貢舉皆得其人 其所以磨之故也士宜以才行為先不可純以閥閱然 以求忠臣必於孝子之門夫人才行少能相東是以孟 公綽優於趙魏老不可以為滕薛大夫忠孝之人持心 其完也上品無寒門純重閥閱勢使然也六朝皆循 探本之論〇漢舉孝康以守相主之魏立九品中正 以本郡薦紳有才望者主之所舉以行亦自有見然

とこういっこう 一昔在帝堯之禪曰咨爾舜天之思數在爾躬舜亦以命 之局不關行誼唐初立法猶有十科後只用進士明 經二科以進士為重如每歲合一百人大約明經八 行此法故門第最重至隋始行進士科開科舉武文 愈密矣明太祖始定三年一試 又無禁挾書至宋太宗用彌封再傳又用謄録防閉 十人進士二十人也五代及宋俱依此然唐無彌封 王命論 古大雅正 班 力 彪

累之業然後精誠通於神明流澤加於生民故能為思 人徳而漢紹之始起沛澤則神母夜號以彰赤帝之符 神所福餐天下所歸往未見運世無本功德不紀而得 由是言之帝王之祚必有明聖顯懿之德豐功厚利積 禹暨于稷契成佐唐虞光濟四海爽世載徳至於湯武 崛起在此位者也世俗見高祖與於布衣不達其故以 而有天下雖其遭遇異時禪代不同至於應天順人其 一馬是故劉氏承堯之祚氏族之世著於春秋唐據

金月四月全書

|處哉故雖遭罹厄會竊其權柄勇如信布强如項籍成 如王莽然卒潤銭伏鎖烹臨分裂又況么麼不及數子 有命也況乎天子之貴四海之富神明之祚可得而妄 擔石之蓄所顧不過一金終於轉死溝壑何則貧窮亦 所以多亂臣賊子者也若然者豈徒問於天道哉又不一 提而得之不知神器有命不可以智力求悲夫此世之 親之於人 事美夫餓 謹流 報飢寒道路思有祖褐之襲 為適遭暴亂得食其夠遊說之士至比天下於逐鹿幸 古文雅正

當秦之末豪傑共推陳嬰而王之嬰母止之曰自吾為 崔之疇不奮六翮之用案棁之材不荷棟梁之任斗筲 受其利不成禍有所歸嬰從其言而陳氏以寧王陵之 子家婦而世貧賤卒富貴不祥不如以兵屬人事成少 之子不東帝王之重易曰鼎折足覆公餗不勝其任也 而欲誾千天位者乎是故為蹇之乘不騁千里之塗煎 而母獲於楚有漢使來陵母見之謂曰願告吾子漢王 母亦見項氏之光亡而劉氏之將與也是時陵為漢將

到近四庫全書

由人嬰母知發陵母知與審此二者帝王之分決矣益 策書於春秋而況大丈夫之事乎是故窮達有命吉凶 之明猶能推事理之致探禍福之機全宗祀於無窮垂 ったこう ioi ハンラ 使加之以信談好謀違於聴受見善如不及用人如由 異三曰神武有徴應四曰寬明而仁恕五曰知人善任 在高祖其與也有五一日帝堯之苗裔二曰體貌多奇 長者必得天下子謹事之無有二心遂對漢使伏劍而 死以固勉陵其後果定於漢陵為宰相封侯夫以匹婦 古文雅正

已從諫如順流趣時如響起當食吐哺納子房之策拔 瑞符應又可晷聞矣初劉媼好高祖而夢與神遇震電 陳力犀軍畢舉此高祖之大略所以成帝業也若乃靈 足揮洗揖郡生之説悟戍卒之言斷懷土之情甚四皓 望雲而知其處始受命則白此分西入關則五星聚故 晦真有龍蛇之怪及長而多靈有異於眾是以王武感 物 '名割肌膚之愛舉韓信於行陣收陳平於亡命英雄 而折契吕公親形而進女秦王東遊以厭其氣吕后

多定匹

月全書

之成敗務帝王之世連考五者之所謂取舍不厭斯位 テス・リー・ハーラ 天禄其永終矣 之有授毋貪不可異為二母之所笑則福作流於子孫 收陵嬰之明分絕信布之覬覦距逐鹿之瞽説審神器 載之誅英雄誠知覺寤畏若禍戒超然遠覺淵然深識 符瑞不同斯度而苗昧權利越次妄據外不量力內不 准陰留侯謂之天授非人力也歷古今之得失驗行事 知命則必喪保家之主失天年之壽遇折足之凶伏於 古文雅正

金定匹库全事 臣 其情則却敵折衝應對失其數則及為輕欺令北匈奴 請買以雄偉勝班以健爽勝皆干古絕調讀之能令 疏畅處開八家之風然辭嚴義正氣格高舉不可攀 蒼鬱古茂不及西京其排偶處開六朝法派其轉 疏余嘗謂西京過秦論東京王命論二論不可不熟 **聞孝宣皇帝勅邊守尉曰匈奴大國多變詐交接得** 神酣氣爽 議答此匈奴疏 班 彪

シノこ しゅう ノムラ 漢合市重遣名王多所貢獻斯皆外示富强以相欺誕 今既未獲助南則亦不宜絕北羁縻之義禮無不答謂 甚高為單于嘉之往者匈奴數有乖亂呼韓郅支自相 郅支行事報答之辭令必有適今立豪草并上曰單于 也臣見其獻益重知其國益虚歸親愈數為懼愈多然 見南單于來附懼謀其國故數乞和親又遠驅牛馬與 可頗如賞賜畧與所獻相當明加曉告以前世呼韓邪 不忘漢恩追念先祖舊約欲修和親以輔身安國計議 古文雅正

将以成單于忠孝之義漢東威信總率萬國日月所照 數請兵將歸埽北庭策謀紛紅無所不至惟念斯言不 减郅支遂保國傳嗣子孫相繼令南單于攜泉南向款塞 其後郅支念戾自絕皇澤而呼韓附親忠孝彌著及漢 警院並蒙孝宣皇帝垂恩救護故各遣侍子稱藩保塞 歸命自以呼韓獨長次第當立而侵奪失職猜疑相背 皆為臣妄殊俗百蠻義無親疎服順者褒賞畔逆者誅 可獨聽又以北單于比年貢獻欲修和親故拒而未許

金足四月全世

学瑟之用不如良弓利劍故未以齎朕不爱小物於單 **敗願復裁賜念單于國尚未安方厲武節以戰攻為務** 馬劍各一單于前言先帝時所賜呼韓邪等瑟空侯皆 單于又賜獻馬左骨都侯右谷蠡王雜繒各四百匹斬 **屬漢何異單于數連兵亂國內虛耗貢物裁以通禮何** 罰善惡之效呼韓郅支是也今單于欲修和親敖誠己 , J. 1))... i 必獻馬裘全<u>爾雜網五百匹弓難轉九一夫四發遣</u>遺 達何嫌而欲率西域諸國俱來獻見西域國屬匈奴與 古大雅正

到定四月全書 **荞制為言孝明皇帝大孝無違奉承貫行謙徳之美於** 于便宜所欲遣驛以聞 斯為盛臣愚以園邑之興起自强秦古者丘龍且不欲 光武皇帝躬履儉約之行深覩始終之分勤勤懇懇以 裁答得體中其忌諱亦以漢威素著故也范文正與 而宋弱也 九吴書高自位置諄諭懇懇反遭其侮耳無他漢强 諫原陵顯節陵起縣邑疏 叁 東平王蒼

「こうう こう 徳之美不暢於無窮也 陛下復有虞之至性追祖禰之深思臣蒼誠傷二帝純 益之功虚費國用動揺百姓非所以致和氣祈豐年也 其著明豈況築郭邑建都郭哉上違先帝聖心下造無 意長仁孝之用心藹如可誦 漢賢王推河間獻王德東平獻王蒼河間有功經學 可以配享文廟東平好善始終一德令讀此疏言簡

卸定四月全書 三年乃免於懷抱先聖緣人情而著其部剖服二十五 臣聞之孝經始於愛親終於哀戚上自天子下至庶 尊早貴賤其義一也夫父母於子同氣異息一體而 服事以赴公難退而致位以完私恩故稱若使之非 月足以春秋臣有人喪君三年不呼其門関子雖要經 臣行之禮也周室陵逢禮制不序蓼栽之人作詩自傷 典誠不可改宜復建武故事忠上疏云文皇帝定約禮之制光武皇帝絕告寧之 忠 介

炎之习車全雪 終喪成乎陛下理功美業靡以尚兹孟子有言老吾老 於孝武郊祀之禮定於元成三雅之序備於顯宗大臣 王之制稍以施行故籍田之耕起於孝文孝康之貢發 之恩者禮義之方實為彫損大漢之與雖承衰散而先 之義建武之初新承大亂凡諸國政多趣簡易大臣既 不得告寧而犀司管禄念私鮮循三年之喪以報顧復 即也高祖受命蕭何創制大臣有寧告之科合于致憂 曰瓶之罄矣惟罄之恥言已不得終竟子道者亦上之 古文雅正

陛下登高北望以甘陵之思於度臣子之心則海内成 以及人之老幻吾幻以及人之幼天下可運於掌臣願 得其所疑入軍監不便之克寢忠 五教在寬著之經典湯去三面八方歸仁武王入殷先 孝宗耳至情大禮何意漠然者之多也陳忠此疏運 三代以下有志行三年喪者晉武帝北魏孝文帝宋 以經術本以至情文亦入西京之室 上王暢奏記 張 敞

ヨジャノニー

とこりョントラ 后生自新野士女沾教化點首仰風流自中興以來功 才 屋代樹將為嚴烈雖欲懲惡難以聞遠以明府上智之 然後三光明於上人物悦於下言之若迁其效甚近發 温厚仁賢之政流聞後世夫明哲之君網漏吞舟之魚 緩紫蠲除的刑卓茂文新召父之徒皆疾惡嚴刻務崇 無挾山之難即為舊都侯甸之國園廟出於章陵三 日月之曜敷仁惠之政則海内改觀實有折枝之易 心焰处刑高祖鹽秦惟定三章之法孝文皇帝感 古文雅正

虞芮入境譲心自生化人在德不在用刑 姦未若禮賢舜舉學的不仁者遠隨會為政晉盗奔秦 臣將相繼世而隆愚以為懇懇用刑不如行恩孳孳求 臣聞天下之禍不由於外皆與於內是故處舜升朝先 吏之砭 畅深疾贓吏責令自首有隱伏者使吏發屋代樹敞 故諫之詞旨温厚尚德緩刑可以迎導善氣永為酷 劲中官疏 傅 燮

金江四月全世

南益深耳何者夫邪正之人不宜共國亦猶永戾不 竖弄權忠臣不進誠使張角泉夷黃中變服臣之所憂 黄中雖盛不足為廟堂憂也臣之所懼在於治水不自 同器彼知正人之功顯而危亡之兆見皆将巧辭飾説 其源末流彌增其廣耳陛下仁德寬容多所不忍故閹 延 今張角起於趙魏黃中亂於六州此皆釁發蕭牆而禍 除四凶然後用十六相明惡人不去則善人無由進也 四海者也臣受戎任奉辭伐罪始到潁川戰無不尅 古文雅止 十四 可

到定匹好全書 使臣身被鉄鐵之戮陛下少用其言國之福也 臣之事君猶孝子之事父也子之事父爲得不盡其情 舉速行競佞放殛之誅則善人思進發凶自息臣聞忠 真偽忠臣將復有杜郵之戮矣陛下宜思虞舜四罪之 共長虛偽夫孝子疑於屢至市虎成於三夫若不詳祭 能撫張嬰燮有中官之弱又能死節讀斯篇忠義之 漢末如張綱傳變皆至性男子也綱有理輪之舉又 氣將以惧誠唐裴中立軍中一疏謂朝中好堂盡去

奔赴昔丞相翟方進以自備宰相而不敢踰制至遭母 莫遺其親今公卿厚原皆政教所瞻而父母之喪不得 古今之制雖有損益而諒闇之禮未當改移以示天下 夫喪親自盡孝之終也今之公卿及二千石三年之喪 乎儉故有遺詔以日易月此當時之宜不可貫之萬世 不得即去殆非所以增崇孝道也往者孝文勞謙行遇 則逆賊不討自平情事如一 陳便宜策 古文雅正 晢 一十五 爽

年不呼其門所以崇國厚俗篤化之道也事失宜正過 憂三十六日而除夫失禮之源自上而始古者大喪三銀定四俸全書 ~~~~~ 於真猶屈體降下勤修婦道易曰帝乙歸妹以祉元吉 故文王作易上經首乾坤下經首咸恒孔子曰天尊地 **妈內猶于虞降者下也嬪者婦也言雖帝竟之女下嫁 早乾坤定矣夫婦之道所謂順也竟典曰釐降二女于** 勿憚改天下通喪可如舊禮夫婦人倫之始王化之端 謂嫁曰歸言湯以娶禮歸其妹於諸侯也春秋之

銀定匹庫全書

|疑人事如此則嘉瑞降天吉符出地五韙成備各以其 婦天地六經其旨一揆直改尚主之制以稱乾坤之性 をこりしんこう 祥之本而止禍亂之源也人能枉欲從禮者則福歸之 叙矣昔者聖人建天地之中而謂之禮禮者所以與福 遵法竞涉式是周孔合之天地而不謬質之思神而不 道失陽唱之義且詩初篇實首關雕禮始冠婚先正夫 漢承泰法設尚主之儀以妻制夫以早臨尊違乾坤之 義王姬嫁齊使魯主之不以天子之尊加於諸侯也今 . 古文惟正

停口截趾適優孰云其愚何與斯人追欲喪驅誠可痛 上陰隔於下後世之人好福不務其本惡禍不易其軌 侯以下各有等差事之降也防性純而能施陰體順而 來也眾禮之中婚禮為首故天子娶十二天之數也諸 福及三代之季淫而無節瑶臺傾宫陳妄數百陽竭於 順情奏禮者則禍歸之推禍福之所應知與廢之所由 也臣竊聞後官采女五六千人從官侍使復在其外冬 化以禮濟樂節宣其氣故能豐子孫之祥致老壽之

金月正人子言

一防二日省財用實府藏三日修禮制緩眉壽四日配陽 こうしり いこ こう 施祈螽斯五曰寬役賦安黎民此誠國家之弘利天人 故以晦明寒暑之氣尊卑侈約之禮為其節也易曰天 之人福也夫寒熟晦明所以為歲尊早奢儉所以為禮 聘未曾幸御者一皆遣出使成妃合一曰通愁曠和陰 陽隔塞於内故感動和氣災異屢臻臣愚以為諸非禮 税一空賦不幸之民以供無用之女百姓窮困於外陰 夏衣服朝夕稟糧耗費練帛空竭府藏徵調增倍十而 古文雅正

禁亂善俗足用之要 之差上下之制也洪範曰惟辟作威惟辟作福惟辟 甲之差及董仲舒制度之别嚴篤有司必行其命此則 食上珍所謂害于而家凶于而國者也宜略依古禮尊 食凡此三者君所獨行而臣不得同也今臣偕君服下 金好四月全書 地節而四時成孝經曰安上治民莫善於禮禮者尊早 四事皆人倫之本禮制之要秦漢以來失之人者拘 儒曲生吹疵文義庸才俗吏督急簿書失得之數莫

-J. 17 mm J.1 m 高才出犀文筆超絕沿至六朝遂成排偶矣唐初陳 諸葛公出師表忠爱從肺腑流出竟為至文曹子建 伯王雖有與文之功然未見其岸異張燕公未脱排 宗刑即固然至三國以後專修節雅鍊各帶神韻惟 龍兄弟其尤賢者也〇東京奏疏文多簡重整肅頗 失于上而風俗猶茂于下若關西楊氏父子首氏八 少疏宕然滌浮言固緣此時風氣或者以為被范蔚 得而本夢夢干載正坐此耳漢世重經術故政教雖 古文雅正

一金定匹库全書 獨孤及梁肅等自以為作手終有愧于古也如叙 刻琢字的為事本領亦薄劉復愚則又專主于超脱 冠絕一代也惟李習之近似皇甫是李漢孫熊但 是中唐習氣韓柳與始大復古韓公神兵亦緣學識 大集必摘其某篇佳者而列之序中各下評語此最 偶能加以典重耳柳冕李翰筆頌陳快而氣力尚薄 怪别一 前漢紀論 種也 卷四 荀 脱

Call more later 專地也孝武時董仲舒當言宜限民占田至東帝時乃 或至數百千頃當過王侯是自專封也買賣由已是自 春秋之義諸侯不得專封大夫不得專地今豪民占田 本而務除租稅適足以資富强夫土地者天下之本也 暴酷於亡秦是上惠不通威福分於豪强也令不正其 百一之稅民收大半之賦官家之惠優於三代豪强之 税可謂鮮矣然豪强富人占田逾侈輸其賦大半官収 古者什一而税以為天下之中正也今漢民或百一而 古文雅正

矣就未悉備井田之法宜以口數占田為立科限民得 若高帝初定天下及光武中與之後民人稀少立之易 亦宜乎雖古令異制損益隨時然綱紀大略其致 强卒而規之並有怨心則生紛亂制度難行由是觀之 勿為可也然欲廢之於寡立之於衆土地既富列在豪 頃有不平矣且夫井田之制宜於民衆之時地廣民稀 限民占田不得過三十頃雖有其制卒不得施然三十 種不得買賣以贈貧弱以防兼并且為制度張本

金月四月全重

とこりまこう 少而亂俗多必待竟舜之君此為志士終無時矣嘗聞 斯則可矣若當輔政濟民令其時也自生民以來善政 問益聖賢居身之所珍也誠遂欲枕山棲谷擬跡巢由 君子謂伯夷監柳下惠不恭故傳曰不夷不惠可否之 聞已度伊洛近在萬歲亭豈即事有漸將順王命乎益 憂深探本之論三代以下第一 然其後周隋之間稍見施行至唐租庸調而法始備 遺黃瓊書 古文雅正 經濟也朱子深以為 三十 固

金丘匹母全書 名之下其實難副近魯陽樊君被徵初至朝廷設擅席 語曰嶢嶢者易鈌皦皦者易汙陽春之曲和者况寡盛 採是故俗論皆言處士純盜虚聲願先生弘此遠謨令 之士胡元安薛孟常朱仲昭顧季鴻等其功業皆無所 流應時折減者豈非觀聽望深聲名太盛乎自頃徵聘 猶待神明雖無人異而言行所守亦無所缺而致誇布 聚人歎服一雪此言耳 商量出處處能有情悃文之曲折清挺猶有西京風

時事可知矣獨黃瓊稍重厚雖直言無隐保全善類 氣0 徴辟之風至漢末極盛是時士尚風節敦行誼 杜密也五處士謂徐稱衣閱姜肽章著李曇也 然獲保其身以太尉終如陳蕃所薦五處士皆不至 誠不愧斯言哉o漢末重節義如三李杜皆不得免 至用世濟民之學未敢概許也李固存亡關于社稷 又翩然遠矣〇三李杜謂李固杜喬李雲杜衆李膺 與胡廣趙戒書 **美口雅正** Ī 固

比隆文宣何圖一朝梁氏迷謬公等曲從以告為凶成 夫復何言 事為敗乎漢家袁微從此始矣公等受主厚禄顛而不 固受國厚恩是以竭其股肱不顧死亡志欲扶持王室 傾覆人事後之良史豈有所私固身已矣於義得矣 者以此然禹罪尤浮于廣也廣等與孔光同聰 權文公謂西漢之亡亡于張禹東漢之亡亡于胡廣 兵何追規非宦官事人不決給等人為 耳

道天人所順而反委釋利器更徵外助大兵聚會强者 龍驤虎步髙下在心此猶鼓洪爐燎毛髮耳夫違經合 志況國之大事其可以詐立乎今將軍總皇威握兵要 為雄所謂倒持干戈授人以柄功必不成抵為亂階 とこうころにう 數語道破琳誠先見哉 稱即應無虞該有掩目捕雀夫微物尚不可欺以得 孔融傳贊 古之雅正 後漢書 三十二

金定四月全世 鶴鶴馬其與琨王秋霜比質可也 昔諫大夫陳昌有言山有猛獸者藜藿為之不採是以 馬之迹事隔於人存代終之規啓機於身後也夫嚴**氣** 夫文舉之髙志直情其足以動義概而忤雄心故使移 孔父正色不容弑虐之謀平仲立朝有舒盜齊之望若 正性覆折而已豈其負园委屈可以每其生哉懔慓馬 余初讀手瞻贊北海文推尊特基以為出自子瞻之 創論北海干載下第一 一知已也及讀後漢書乃知蔚

九三日事人 帝政之美惡顯在漢史坦如日月是為直說書傳實事 **德澤有加天下所具知也臣等獨何識剌哉假使所** 之故不可以誅於人也且陛下即位以來政教未過而 非虚謗也夫帝者為善為惡天下莫不知斯皆有以致 凡言誹謗者謂實無此事而虚加誣之也至如孝武皇 宗己先言之一結既出以沉痛末數語風調更佳似 雪鶴灑翮天空 自訟疏 古文雅正 孔 僖

金い人セングママア 實是則固應悛改儻其不當亦宜含容又何罪馬陛下 其先君之惡以倡管仲然後屋臣得盡其心今陛下乃 司卒然見構街恨蒙枉不得自叙使後世論者擅以陛 欲以十世之武帝遠諱實事豈不與桓公異哉臣恐有 自今以後尚見不可之事終莫復言者矣齊桓公親楊 不推原大數深自為計徒肆私忿以快其意臣等受戮 死即死耳顧天下之人心回視易慮以此事闚陛下心 下有所方比寧可復使子孫追掩之乎謹詣闕伏待重

誅 こつらいこう 諱者發朦 古人質直不事忌諱左氏不諱魯司馬氏不諱漢班 為史矣此疏痛快直捷且為不能光揚前烈徒好掩 氏父子猶漢臣也作漢書亦不諱後世非異代不可 古文雅正

金五四四年書 古大雅正卷四